

飲飽食醉

我真係好喜歡吃東西，其實你見過我嘅話，都知道啦睇看我外型🤔

我係一個Foodie，我鍾意食嘢，不過都幾揀飲擇食㗎，唔係乜嘢都食㗎，不過最喜歡啲煎炸嘢啦，辣嘢啦，總之最唔健康嘅嘢，就最鍾意食，零食啊、朱古力呀等等啦，所以其實都好好危險，我感謝天主，我到而家都有乜大嘅病痛。

關於飲酒啲嘢，講個故仔俾你聽啦、好好笑㗎，我其實飲酒係應該可以練返嚟嘅，越飲越多，我亦都唔會面紅，但係都飲得好多，好彩以前做工嘅時候，我知道自己到呢個會醉嘅位，我就會停，亦都好好彩，做工嘅時候亦都有俾朋友呀，同事啊，客人呀，灌醉。可能我係女性啦，所以比較好啲，因為我比較惡，哈哈。有陣時同啲韓國同事或者客戶或者日本嘅同事或者客戶或者台灣同事或者客戶中國嘅同事或者客戶，我有時都會同佢哋飲勝㗎，但係好彩地，如果我有啲覺得唔係好掂，我就會叫啲同事幫我，咁佢哋都可以俾我叫同事嚟幫手，所以諗返起，呢啲日子都好好笑。仲有一個好笑嘅呢，就係我哋有一個叫酒鬼會，咁當然啦，顧名思義就一班飲酒嘅人啦，我哋通常飲紅酒嘅，但係之後都唔知什麼白蘭地啊？威士忌啊，XO啊咩都飲㗎啦。有一次好笑嘅就係我哋去一個朋友屋企飲啦，咁飲吓、突然之間佢太太話唔得啦，我飲醉醉地啊，我返去瞓啦，瞓覺先啦，咁咪瞓囉。我哋仍然飲咗咁，屋主太太瞓瞓吓，太太就出嚟煮啲嘢俾我們食，我仲記得係食煎啲帶子俾我哋食，好好呀，咁我哋送下酒，不知幾好。咁之後佢話畀我返去瞓覺啦，咁我哋繼續把歌把酒談心啦，繼續傾偈啦，好笑啦，咁朋友太太繼續瞓覺啦。咁終於佢醒啦㗎，我哋仍然都係飲酒啦，咁我哋就話多謝你頭先啦煎啲帶子俾我哋食啊，好好食呀。佢話有啊，我幾時有煎呀？原來佢係發緊夢呀，咁俾我哋食呀，真係好好笑呀，仲有一次我哋酒鬼會飲酒，無端端有個朋友仔我哋係講梗係講廣東話啦，無端端不斷同我講英文㗎，原來呢一個都係飲醉酒嘅表現、我飲咁耐酒以來好好彩地都有乜叫飲醉酒，亦都有試過斷片。只試過一次嘅，點解呢？係都係自己衰㗎次一個叫做Wine buffet，Wine buffet真係好多種唔同嘅酒啊，又溝酒啦，又一個價錢啦，唔使得啦，有好多啦，咁就衰咗啦，咁就嘔啦，係一次啫，所以我都覺得我自己好好彩，最緊要懂得停啦，正如我覺得呢樣嘢好好㗎，即係例如我哋做實乜嘢，都係要懂得停，懂得要停一停諗一諗，感謝天主要有好多嘢去，去唔好唔好去到咁盡，有謙卑嘅心，咁我覺得呢樣嘢就係我成日都係會提醒自己嘅，尤其是而家有做嘢，更加會可以提醒自己，做任何嘢都唔好去到咁盡，講任何嘢，都係因為你唔知道傷人都唔知，咁我覺得有時我哋要謙卑自己，咁可以幫到自己亦都可以幫到人，最緊要就係我哋感恩，感謝天主，每一日都令我哋都好開心，好快樂。

我係一個，因為我鍾意食嘢，所以我對啲酒店酒樓食肆都有要求，以及搵啲平靚正嘅，我可以係去到好貴嘅一餐又得，好平嘅或者環境好唔靚嘅又得，試過一次喺台北一個坑渠邊食米線都得㗎，我嘅philosophy係只要係好食，不過最重要都係睇吓同邊個一齊食都好重要㗎，我又記得有一次，通常我喺公司或者平時朋友我都係主動話係提議去邊度食嘢嘅，因為我鍾意食嘢，咁覺得會似我食完嘅介紹完嘅啲朋友都係好，好感激我嘅提議嘅，因為覺得有Value for Money所以覺得係好緊要，甚至有陣時同啲大老闆外國返嚟嘅老闆去食嘢，咁佢都係覺得係好好，咁我呢樣我會好開心。

最後，我覺得我哋每樣嘢都有個quota，同埋我哋記住每樣嘢都感謝天主，亦都可以睇到有啲嘢，唔好咁過分，即係會令到你有時間飲醉酒，見到好多不好嘅現實。以上嘅故事都係啦，咁我覺得都係嘅唔可以去到咁盡嘅，所以我而家都係有啲節制啦，同埋有時我通常要做克己呢，我成日都去辦修和都係犯七罪宗，都係貪食，不過我都覺得呢樣嘢，因為食嘢真係好開心㗎，我覺得有陣時要減肥，我都想減肥，但如果減肥冇得食嘢又好慘㗎，所以我寧願做多啲運動。

我仲記得我哋屋企都唔係好有錢，咁聖誕節嘅時候我哋都未必有錢食聖誕大餐，但係唔緊要媽咪會煮啲聖誕大餐俾我哋，就自己整炸雞髀啦，薯條啦、咁樣仲有我去婆婆屋企，我記得以前我哋有一個地方去食炸牛丸㗎，真係好好食㗎，我諗呢啲都係童年嘅回憶，同埋喺度婆婆啦同埋媽媽嘅味道，好開心住家飯。

最後感激神父有這個題材及每一位同學嘅分享，好正好真摯，同埋搵返係好多以往嘅情景及以前嘅回憶，感謝天主。